



Ovaj projekt finansira Evropska unija



LOKALNA PARTNERSTVA
ZA ZAPOSŁJAVANJE
U BOSNI I HERCEGOVINI



International Labour Organization

PREDMET: Saopćenje za medije

U okviru EU projekta „TRIK“ u Travniku realizovana „Mala škola poduzetništva“

U okviru krovnog projekta „Podrška lokalnim partnerstvima za zapošljavanje u Bosni i Hercegovini“, financiranog od strane EU, koji provodi Međunarodna organizacija rada (ILO), a u sklopu projekta „TRIK za nove mogućnosti u zapošljavanju i poduzetništvu“ koji implementira Regionalna razvojna agencija za regiju Centralna BiH – REZ sa svojim partnerima s ciljem jačanja konkurentnosti radne snage, na Sveučilištu/Univerzitetu „VITEZ“ je osmog i devetog marta 2018. realizirana „Mala škola poduzetništva“, čiji su ciljevi razvoj poduzetništva mladih, razvoj malog i srednjeg poduzetništva, a što u konačnici treba omogućiti stvaranje boljih uslova za ostanak mladih u svojim općinama.

„Dvodnevna obuka mladih, u sklopu *Male škole*, trebala bi ih osposobiti za izradu vlastitog poslovnog plana za pokretanje biznisa. Na taj način kreirani poslovni planovi će sudjelovati na natjecanju za najbolju poslovnu ideju, kojeg planiramo organizirati 22.03.2018.g. u zgradi Sveučilišta/Univerziteta „VITEZ“ u Travniku“ - kazala je Amra Kraksner, direktorica Instituta Sveučilišta „VITEZ“.

Ova aktivnost je samo jedna u nizu koje će se realizirati u okviru projekta „TRIK za nove mogućnosti u zapošljavanju i poduzetništvu“, a osnovni cilj istog jeste stvaranje povoljnog okruženja za nova radna mjesta promocijom poduzetništva i procesom kreiranja institucionalne i systemske podrške zapošljavanju mladih u općini Travnik kroz stvaranje stimulativnog poslovnog okruženja, a koje će aktivno doprinosti povećanju novootvorenih poslovnih subjekata/radnih mjesta, ali i kontinuiranoj promociji poduzetništva i poduzetničkog obrasca ponašanja među nezaposlenim mladim ljudima. Važno je istaknuti da je u samoj organizaciji „Male škole poduzetništva“ značajnu ulogu imala Služba za zapošljavanje SBK/KSB koja je animiranjem mladih ljudi sa evidencije za nezaposlene i uključivanjem u ovu školu istima pružila priliku za osposobljavanje iz oblasti poduzetništva, a što će kao epilog doprinijeti većem zaposlenju mladih ljudi na području Srednjobosanskog kantona/Kantona Središnja Bosna.

Obuci je prisustvovalo 10 učesnika, studenata i nezaposlenih mladih osoba.

Vodeći partner u projektu je Regionalna razvojna agencija za regiju Centralna BiH - REZ, a partneri su: Općina Travnik, Centar za edukaciju mladih – CEM, Sveučilište/Univerzitet "Vitez" u Travniku, Služba za zapošljavanje SBK/KSB, GS tmt d.o.o. Travnik i NOBIL d.o.o. Nova Bila.